

ELECCION DI TEEN PRINCESS ARUBA TRANSMITI EN BIBO Y DIRECTO DIA 15 DI AUG. FOR DI TELE ARUBA

E anja aki atrobe e certamen di Teen Princess Aruba lo worde transmiti en bibo y directo pa henter nos isla for di e studio di Tele-Aruba.

Esaki ta e di segundo bes cu un certamen di beyesa local ta worde transmiti en bibo y directo for di Tele Aruba y naturalmente ta trata di e eleccion di Teen Princess Aruba 1981.

Esaki lo tuma lugar dia 15 di augustus entre 9'or y 11'or di anochi, na unda lo bay tin un show bon prepara.

E candidatanan lo ricibi lesnan di canto y actuacion for di Sra. Maybeline Arends-Croes, lesnan di baile for di Sra. Astrid Salazar y lesnan di modelahe for di Srta. Anna Arends.

Cu esaki pueblo di Aruba ya caba por haya un idea cu indudablemente e show di e anochi aki lo bira algo grandi.

**E GANADORA LO
REPRESENTA ARUBA NA
SANTA MARTA, COLOMBIA
DEN E CERTAMEN DI
MISS TEENAGE
INTERCONTINENTAL**

E Teen Princess Aruba di e anja aki lo representa Aruba den e certamen di Miss Teenage Intercontinental na Santa Marta, Co-

lombia, cual lo tuma lugar den e luhoso hotel, Puerto Galeon, for di dia 16 pa 24 di october proximo.

Esaki ta di dos anja cu e certamen aki lo tuma lugar den un otro pais cu no ta Aruba.

Na Santa Marta e candidatanan pa e eleccion di Miss Teenage In-

tercontinental lo haya un programa bon prepara.